

Алжирт болджах бääдл

ПАРИЖ, сентябрин 13. (ТАСС). Алжирт болджах бääдл чинвртà кевтән бääггя бääнә. Константин гидг департаментин ар захд Колло гидг бääрн газрин öөр французск цергин отряд болн босцхасн улсин хоорнд зер-зевтә ноолдан болв. Оран гидг департаментд келн-äмтән сулдхлгъна алжирск äärmин отряд Палат болн Темира гидг деревньсяр бääсн французск гарнизонмудиг болн бас тедү мет, Бу-Ханиф гидг газрт тävгдсн харулиг дävрдж орцхав. Алжир балгъснас зүй-ардагшан 120 километрт французск цергин отряд босцхасн улсин бүрдäсн гетүллä харгъв. Французск 9 салдс алгдв, 11-нь шавтв.

Французск дääнә йосн Алжирт гаргължах деермч йовдлан чангълалгъна тускар герчлджäh шин учрмудин тускар газетс зәнггджәнә. Французск дääнә заргъ эврä келн-äмтнә тölä боссн хоёр күүг үклин цааджла харгъулх шиндвр батлдж. Одахн концентрационн лагерсин негнднь, харулд зогсджасн салдсмуд, „зулхар седв“ гиггяд хоёр алжир улсиг хадж алцхав. Алжир балгъсна гражданск түүрмд суух улс үклин цааджин заргъд шиндгдсн алжирск патриотнр туст күүмн биш йовдл гаргълггиг бурушадж, 24 часин дунд хот идлго харгънлгъ зарлцхав.